



酒
顛

二

79
559
2



門 7 1 9
號 5 5 9
卷 2



酒顛二卷

島家藏印

延陵夏樹芳茂卿甫采輯

五茸陳繼儒仲醇甫補正

一夕千觴

孔融愛才結客。十歲謁李膺。十六留張儉。

有詩曰。歸家酒債多。門客粲幾行。高談

驚四座。一夕傾千觴。與蔡邕素善。邕卒後

有虎賁士貌類邕融每酒酣引同坐曰雖無老成人尚有典刑。

酒壚酣暢

王戎爲尚書令著公服過黃公酒壚謂後車客曰吾昔與嵇叔夜阮嗣宗酣暢於此壚自嵇阮云人便爲時所羈縻今視此雖近邈若山河。

醉聖

李白醉後行文轉奇號醉聖嘗云予少時大人令誦子虛賦私心愛之及長南游雲夢覽七澤之壯觀醉隱安陸者十許年玄宗嘗召白應制賦詩置麴清潭砌以銀軌泥以石粉貯三辰酒一萬車以賜當制學士。

酒氣從指出

東坡志林云。吾見子明飲酒。三蕉葉。吾少時望見酒盞而醉。今亦能三蕉葉矣。在惠州自造酒。號羅浮春。定州得松膏釀酒。號中山松醪。坡翁嘗自言曰。吾酒後乘輿作數十字覺。酒氣拂拂從十指上出去也。

酒中三昧

黃魯直號山谷。嘗與黃聞善論酒中三昧。嘉陽張仲吉以酒壚爲業。魯直數將諸生過其家。或時把酒至夜漏下二十刻。與諸生衝雨踏泥而歸。

九醞消腸

張華字茂先。爲九醞酒。以三薇漬麴。麴出西羌。麴出北胡。胡中有指星麥。釀酒醇。

酒真 卷二
暢。閭里歌曰。寧得醇酒消腸。不與日月齊光。

鬼峩我爾

北齊盧思道。小字釋奴。嘗曰。長安酒賤。斗價三百。能可鬼峩我。不可令鬼峩爾也。

賢鄙為酣

元德秀嗜酒陶然。彈琴自娛。人以酒榼從。

之不問賢鄙為酣飲。

醉以頭書

張長史字伯高。每大醉。叫呼狂走。乃下筆。或以頭濡墨而書。既醒。自視。以為神。不可復得也。世號張顛。李頎詩。張公性嗜酒。豁達無所營。露頂據胡牀。長叫三五聲。

酒因境多

酒真 卷二 四
魏肇師曰。徐君房年。隨情少。酒因境多。

子字其父

胡毋輔之好豪飲。其子謙之醉字其父曰。彦國年高不宜過飲。將令我尻背東壁。彦國遂呼入與共飲酒。各極其醉。

中酒味

宋太素尚書中酒詩。靜嫌鸚鵡鬧。渴憶荔

枝香。病與慵相續。心和夢尚狂。非真中酒者。不能知此味。

碧筒杯

歷城北有使君林。魏正始中鄭公愨。三伏之際。每率賓僚避暑於此。以簪刺蓮葉。令與柄通。輪菌如象鼻。傳吸之。名碧筒杯。

解憂不灰

東方朔字曼倩。嘗醉入殿中小遺殿上。劾
大不敬。免爲庶人。方朔別傳曰。武帝幸甘
泉長平坂。道中有蟲。赤如牛肝。頭目口齒
悉具。人莫之識。時朔在屬車中。令往視焉。
朔曰。怪哉。是必秦獄處也。上使按地圖。果
秦獄地。上問朔何以知之。朔曰。此積憂所
致。夫積憂者得酒而解。乃取蟲置酒中。立

消。賜朔帛百匹。又張華博物志曰。君山上
有美酒。數斗。飲者不歿。武帝遣欒巴求。果
得之。方朔曰。臣識此酒。請視之。因一飲。至
盡。帝欲殺朔。朔曰。殺朔若歿。此爲不驗。以
其有驗。殺亦不歿。乃赦之。

金龜換酒

秘書郎賀知章。一見李白。呼爲謫仙人。以

酒勤 卷二
金龜換酒共飲長安市中。知章後忽鼻出黃膠數盆。醫者謂飲酒之過。

車轄投井

奮威侯陳遵字孟公嗜酒。每大宴客。取車轄投井中。客有急不得去。酒酣與寡婦共謳歌。跳梁起舞。

華獨坐

華歆字子魚。仕魏爲御史。而清貧自若。能劇飲。至石餘不散。號華獨坐。

惡客漫郎

元結字次山。紫芝族弟。祿山反。避亂入猗玕洞。自稱猗玕子。以不飲酒爲惡客。自稱漫郎。嘗載酒石魚湖上。醉中據湖岸。引臂向魚取酒。畫舫載之。徧飲坐者。得武昌黑

酒真 卷二
石中坳如樽狀。相傳是陶侃所遺。結修之
以藏酒。又浯溪石上窰樽。亦次山所鑿。

王坐墮幘

庾敳字子嵩。見晉室多難。終知嬰禍。乃沉
酒於酒。於東海王越坐墮幘几上。

妻常對飲

沈文季字伯達。出爲吳興太守。文季飲酒

至五斗。妻王氏飲亦至三斗。常對飲竟日。
而視事不廢。

巢飲海棠枝

徐仝隱藥肆中。結巢海棠枝上。巢飲其間。

漢書下酒

蘇舜欽字子美。豪放不羈。好飲酒。在外舅
杜祁公家。每夕讀書。以一斗爲率。公使人

密覘之。聞子美讀漢書張良傳。至良與客
徂擊秦皇帝。誤中副車。遽撫掌曰。惜乎不
中。遂滿引一大白。又讀至良曰。始臣起下
邳。與上會於留。此天以授陛下。又撫案曰。
君臣相遇。其難如此。復舉一大白。公聞之。
大笑曰。有如此下酒物。一斗不足多也。

狂何必酒

司隸蓋次公宴許伯第。曰。無多酌我。我則
酒狂。丞相魏侯笑曰。次公醒而狂。何必酒
也。

釀具淫具

蜀簡雍字憲和。跌宕風雅。少與先主善。時
天旱禁酒。吏於人家索得釀具。卽按其鼻。
雍與先主遊觀。見男女行道上。謂先主曰。

酒真 卷二
彼人欲行淫。何以不縛。先主曰。何以知之。
對曰。彼有其具。與欲釀者同。先主大笑而
原欲釀者。

役夫與遊

郭恕先字忠恕。被謫貶官。時與役夫小民
入市肆飲。曰。吾所與遊皆子類也。

甘苦沈淪

曹植字子建。七啓云。春清縹酒。康狄所營。
彈徵則苦發。扣宮則甘生。植骯髒不得志。
頗沉淪於酒。曹仁爲關羽所圍。太祖以植
爲南中郎將。征虜將軍。植醉不能受命。乃
止。

劇飲藻思

李百藥字重規。性喜劇飲。藻思沉鬱。

賜換骨醪

裴晉公治第集賢里。與白樂天劉夢得把酒爲歡。不問人間事。憲宗嘗採鳳李花釀換骨醪。晉公平淮西回。黃帕金瓶。遠賜二斗。

恐用不

郭璞奇博多通。文藻粲麗。才學賞豫。足參

上流而訥於言。形質頽索。縱情嫚惰。時有醉酒之失。友人干令升曰。此伐性之斧也。璞曰。吾所受有分。恒恐用之不盡。豈酒色之能害。後王敦縱兵都輦。乃咨以大事。璞極言成敗。不爲回屈。敦忌而害之。著幽思篇。

夫婦善詩酒

陸龜蒙字魯望。自號江湖散人。病酒再期
乃已。中酒賦曰。翦雲夢。萱採泮宮芹。周子
之菘向晚。庾郎之薤初春。加以歐川桂蠹。
潁谷榆人。雖馳心於品物。且忘味於茲辰。
妻蔣氏長於文辭。亦善酒。姊妹勸節酒。強
食。蔣應聲曰。平生偏好飲。勞汝勸加餐。但
得樽中滿。時光度不難。

宜晝襲其光也。醉雪宜夜。度其潔也。醉樓
宜暑。資其清也。醉水宜秋。泛其爽也。

醉鄉無稅

竟陵劉虛白擢進士第。嗜酒。有詩云。知道
醉鄉無戶稅。任他荒却下丹田。

歡飲無言

靖安李少師宗閔。雖居貴位。不以威重隔

酒真 卷二
物與賓僚飲宴。曲盡布衣之歡。暑月臨水
以荷爲杯。滿酌密繫。持近人口。以筋刺之。
不盡則重飲。燕散有人言。昨飲大歡者。公
曰。無論好惡。一不得言。

酒徒非儒

酈食其好讀書。家貧落魄。里中謂之狂生。
嘗衣儒衣謁高帝。帝謝曰。未暇見儒人。食

其按劍叱使者曰。我高陽酒徒。非儒也。遂
延入。

開愁鎖

繁舉字彥舉。性嗜酒。工詩。客京師十餘年。
竟流落以死。同時有鄭雲表者。慕彥舉之
爲人。作詩挽之。云。形如槁木。因詩苦眉鎖。
愁山得酒開。人以爲寫真云。

驗醉鍼

劉荊州景升有酒爵三大曰伯雅容七升次曰仲雅容六升少曰季雅容五升嘗設大鍼於杖端客有酒輒剡之以驗醉醒。

飲有術

王瞻字思範仕梁為吏部尚書每飲或彌日而精神朗贍不廢簿領武帝每稱瞻有

三術射棊酒也。

司業酒錢

鄭虔唐廣文博士文章書畫玄宗稱為三絕飲酒不事事數為官長所罵惟蘇源明重其才時時餉給之杜甫詩賴有蘇司業時時與酒錢。

每春顛飲

海真 卷二
長安進士鄭愚與劉參郭保衡王冲張道
隱等十數輩每春時選妓三五人乘小犢
車詣名園曲沼呼笑喧呼自名顛飲。

玉樹臨風

崔宗之爲侍御謫金陵與李白月夜泛采
石詩酒倡和皎如玉樹臨風觀者羨之

萬異冥

戴逵字安道酒讚云醇醪之興與理不死
古人旣陶至樂乃開目絕羣動耳隔迅雷
萬異旣冥惟無有懷。

但言飲幾日

張安道字方平未第時貧甚然意氣豪舉
未嘗少貶與劉潛李冠石曼卿飲初不言
盞數但言當飲幾日。

酒真 卷二
醉引金吾句

竇儼字望之。爲三司鹽鐵使。與梁顥胡旦
嘗會飲於趙昌言樞密第。儼每乘醉夜半
方歸。金吾吏候馬首聲喏。儼以醉鞭指其
吏曰。金吾不惜夜。玉漏莫相催。

少游神物

秦少游飲酒詩。左手持蟹螯。舉觴屬隼漢。

天生此神物。爲我洗憂患。山川同恍惚。魚
鳥共消散。客至壺自傾。欲去不容間。又有
飲酒口號。平原居士今無影。鸚鵡洲空誰
舉杯。猶有漁陽搥撾鼓。爲君醉後作輕雷。

癡漢戒飲

吳衍好飲酒。後以醉詬權貴。戒飲。阮宣以
拳敲其背曰。老癡漢。忍斷杯中物。耶。抑

海真 卷二
而飲之

濁醪天地寬

杜牧字牧之。詩曰：濁醪氣色嚴。皤腹瓶罌古。酣酣天地寬。怳怳嵇劉伍。

飲量過當世

張端公字伯玉。飲量過當世。有一士人負豪飲。求謁端公。公與其酌數斗。士人辭醉。

端公笑曰：量止此乎？遂自滿飲數十舉。一掃詩百篇。爲范文正重客。

酒酣懷古人莫測

杜甫酒量詩。才與李白齊名。嘗從白及高適過汴州。酒酣登臺。慷慨懷古人。莫測也。結廬成都草堂。與田叟野老相狎。蕩詩云：田翁逼社日。邀我嘗春酒。呼婦開大瓶。盆

酒巖 卷二
中爲我取。每田父索飲。必使之畢其歡而後去。

通人達士累於此

祖台州與王荊州書云。君須復飲。不廢止之。將不獲已耶。通人達士累於此物。

俸餘無畱

諫議陽城字亢宗。與二弟延賓客。日夜劇

飲。每約二弟。吾所俸入。可度月入米幾何。薪鹽幾錢。餘送酒家。無畱也。

三臟可活

艾子常醉。門生私語曰。是不可諫止。當以險事休之一日。飲噦。門生密置豕腸。示艾曰。凡人具五臟。今師飲而出一臟。何以生耶。艾子熟視笑曰。唐三藏猶可活。況四臟。

取。

呵掖撓睡

毛炳隱廬山嘗醉臥道旁有人掖之炳呵曰醉者自醉醒者自醒急去勿撓吾睡

酒竭飲醋

定陶劉潛卓逸喜豪飲與石曼卿友善時曼卿通判海州潛訪之會於石闥堰與潛

劇飲中夜酒竭船中有醋斗餘傾入酒中併飲之明日酒醋俱盡

蛙鳴當鼓吹

孔穉珪字德璋官太子詹事風韻清疎飲酒可七八斗性喜獨酌門庭之內草萊不翦時有蛙鳴笑謂客曰以此當兩部鼓吹

甌醴成川渠

傅玄字休奕飲酒可五
者杯無算。甌醴成川。詎

登屋歌哭

饒節字德操。少有大士
或數日不醒。醉時往往
達旦乃下。

棧中游妓

陶穀學士字秀實小字
蓋中現園林美女象。於
翰林餽裏熏香。棧中遊

吐筮筮

姚巖傑號象溪子。聰悟
通中與盧肇會於江亭
請卽席爲令。尾括樂器

酒真 卷二
舟不闊尺八巖傑時飲酒一器凭欄嘔噦
應聲曰凭欄一吐已覺空喉

每醉八日

元魏崔儵字岐叔每一醉八日。

酒鄉貧更入

盱江李觀字泰伯善飲有一士人亦滑稽
而好飲聞有饋李酒者以詩投李李喜甚

留飲數日酒盡方去他日士人又聞有饋
李酒者復作詩投之李讀畢謂曰前有酒
本擬留作數日君至一飲遽盡索莫者累
日公之論固佳此酒不可復得也泰伯嘗
寄陳殿撰詩云酒鄉貧更入詩債病猶還
一時誦之。

蒲博飲

語林崔顥好蒲博飲酒。

醉髡

僧可朋好飲酒。每索酒。債無償。則以詩贖之。自號醉髡。有詩千餘篇。名玉壘集。

對酒思公榮

裴伯茂嗜酒踈傲。以傷性致隕於家園。友人常景。李渾。王昕。盧元明。魏季景。李騫。皆

一時名傑。於墓旁致酒一飲。一酬曰。裴中書。竟而有靈。知吾曹也。乃各賦詩一篇。時魏收在晉陽。爲詩敘伯茂云。臨風想玄度。對酒思公榮。

醉舞與狗鬪

檀長卿醉後。作沐猴舞。與狗鬪爲樂。

黍麥低昂

王昕字元景嘗大醉楊遵彥謂之曰何大
低昂元景曰黍熟頭低麥熟頭昂黍麥俱
有所以低昂昕弟晞嘗共盧師道契飲賦
詩曰日落應歸去魚鳥見留連時常山王
遣使召晞晞不時至明日在丞相西閣思
道謂晞曰昨被召已朱顏得不以魚鳥致
怪晞笑曰昨晚陶然頗以酒漿被責卿輩

亦是留連之一物豈直魚鳥而已

再韻解嘲

辛幼安號稼軒與陳同父躍馬定交風流
豪飲嘗賦沁園春止酒後城中諸公載酒
入山幼安復破戒沉醉再韻前調解嘲

河朔避暑

袁紹字本初在河朔每至三伏晝夜酣飲

以避一時之暑。號河朔飲。紹愛士養名。朱
軒紫轂填咽街陌。

飲不醉錢無窮

泉南林外。字豈塵。詞翰瀟爽。飲酒無算。每
暇日游西湖。坐小旗亭。獨飲。腰間藏虎皮
錢篋數枚。凡飲數斗不醉。而篋中之錢若
循環無窮。角巾鶴氅。飄飄若神仙焉。

欲傾家釀

何克字次道。劉真常云。見何次道飲酒。使
人欲傾家釀以。克飲酒温克故。

每出飲數日

許古字道真。性嗜酒。每乘舟出村落間。留
飲十數日不歸。醉後賦小詞曰。濁醪蕩得
玉爲漿。風韻帶橙香。持杯笑道。鴛黃似酒。

酒似鶯黃。世緣老矣，不思量。沉醉又何妨。
臨風對月。山歌野調，儘我疎狂。

以酒濡髮歌

趙子固號葵齋。清放不羈。好飲酒。醉則以
酒濡髮。歌古樂府。自執紅牙以節曲。

月給千壺

陸務觀恃酒頽放。自號放翁。作詞云。橋如

虹水如空。一葉飄風煙雨中。天教稱放翁。
一夕夢故人相語曰。我爲蓮花博士。鏡湖
新置官也。我去矣。君能暫爲之乎。月得酒
千壺。亦不惡也。遂以詩記之曰。白首歸修
汗簡書。每因囊粟歎侏儒。不知月給千壺
酒。得似蓮花博士無。

壘汁美仙厨

翰林蘇易簡性嗜酒。太宗嘗以詩戒之。入直雖不敢飲。在私第未嘗不醉。及其死。太宗曰。易簡果以酒敗。可惜也。直講筵時。上問食品稱珍。何物爲最。易簡曰。臣止知糞汁爲美。太宗笑問其故。曰。臣憶一夕寒甚。擁爐圍火。痛飲大醉。咽吻燥渴。時中庭月明。殘雪中覆。一糞盜。遂鞠雪。盥手。敲引數

甌。自謂上界仙厨。殆恐不及。太宗笑而然之。

交飲各數斗

侍中謝瀹字義潔。於建武初。以長醕爲事。與劉瑱沈昭略觴酌交飲。各至數斗。一日與劉劭子俊同飲。俊曰。謝莊兒不可云不能飲。瀹曰。苟得其人。自可沈湎千日。

二超

檀超字悅祖。性嗜酒。自比晉郗超。爲高平二超。

在省常醉

謝超宗恃才使酒多所凌忽。爲齊高帝黃門郎。在省常醉。出爲南郡王中軍司馬。

白雞盞

柳亨飲未醉。造白雞盞。取其迅速。

凝如綠玉

有一客僧。長慶中宿一寺。呼淨人酤酒。寺僧怒奪瓶擊之。其瓶百碎。酒卽凝滯。着樹如綠玉。搖之不散。有一僧知者云。某嘗持般若經。須預飲此物一杯。卽諷詠。劉亮乃將瓶就樹盛之。其酒盡落器中。奄然流啜。

斯須器竊酣暢矣。

垂幃痛飲

南唐常楚錫爲翰林。剛正不附近貴。或曰公剛直。私門何以爲樂。常曰。垂幃痛飲而已。

門扉下出

寇萊公字平仲。有飲量。在中書多召兩制

就第飲宴。每宴必闔扉輟驂以留之。李宗諤被醉。嘗於門扉下竊出。得馬而走。後宗諤爲修宮使。恩顧漸深。一日召至玉宸殿賜酒。宗諤堅辭以醉。上令中使附耳語云。此中不須從門扉下出。

茶癖酒狂

陸羽字鴻漸。鄧利云。陸羽茶旣爲癖。酒亦

酒真
稱狂。

醉吟先生

郭祥正字功父。隱於青山。所居有醉吟庵。亦自作醉吟先生傳。

簇酒

辛洞好酒而無資。嘗攜榼登人門。每家取一盞投之。號爲簇酒。

不齋醉如泥

周澤字穉都。爲太常。清潔循行。時人爲之語曰。一歲三百六十日。三百五十九日齋。一日不齋。醉如泥。

飲以壺瓠

卞彬字士蔚。飲以壺瓠。杭皮爲肴。

荊州三酒

酒真 卷二
陶侃字士行。少有酒失。母湛氏嘗戒止之。
為荊州都督。有齋中酒。廳事酒。猥酒。

華山對飲詩

鄭遨字雲叟。隱於華山。與羅隱終日怡然。
對飲。有飲酒詩二十章。

癡狂坐井中

潘谷元豐間人。山谷嘗以錦囊貯其墨半

丸。飲酒癡狂。赴井。跌坐井中。坡翁詩。一朝
入海尋李白。空看人間畫墨仙。

醉有分別

法明師不知何許人。落鬼嗜酒。善唱柳枝
詞。人以醉和尚稱之。師曰。我醉且醒。君醉
奈何。自述一偈云。平生醉裏顛。醉裏却
有分別。今朝酒醒何處。柳岸曉風殘月。

南中女酒

房鵠舉字千里。太和中進士。幼負才略。恣意文酒。所著投荒錄云。南方有女數歲。積米釀酒。候彼水竭。置壺中。密固其上。待女將嫁。始決水取之。供客。味殊絕。謂之女酒。

叔夜杯景山鎗

宋何點字子皙。隱於武丘山。竟陵王子陵

遺以嵇叔夜之杯。徐景山之酒鎗。

酣釀川

漢鄭弘字巨君。爲靈文鄉嗇夫。行官京洛。未至。宿一埭。埭故名沉釀。弘適於埭。逢故舊。四顧荒郊。無貰酒處。乃以錢投水中。依口而飲。飲盡。酣暢。因更爲沉釀川。

酒顛卷二終

